



zenički privredni **2022**

BILTEN

SLUŽBE ZA PRIVREDU I UPRAVLJANJE RAZVOJEM GRADA ZENICA I ZENIČKE RAZVOJNE AGENCIJE ZEDA



NEWSLETTER 2/2022

Služba za privredu, gradsku imovinu i upravljanje razvojem Grada Zenice i Agencija ZEDA predstavljaju pregled najznačajnijih aktivnosti koje su realizovane u drugoj polovini 2022. godine

Nova godina donosi nove početke, izazove i prilike, a mi Vam želimo odlično zdravlje, dobro raspoloženje i uspješnu 2023. godinu.

U nastavku pročitajte samo dio realizovanih aktivnosti u proteklih 6 mjeseci.

GRADU ZENICA POTVRĐEN BFC CERTIFIKAT



Na **BFC Regionalnoj konferenciji Core Days 2022 - Partnerstvo za konkurentniju** regiju, održanoj u Dubrovniku, Hrvatska, Gradu Zenica uručen je BFC certifikat kojim se potvrđuje status grada s povoljnim poslovnim okruženjem. Konferenciji je prisustvovalo više od 250 učesnika, a u okviru iste dodijeljeni su BFC SEE certifikati (Business Friendly Certification South East Europe) za gradove i općine iz Bosne i Hercegovine, Crne Gore, Hrvatske, Srbije, Sjeverne Makedonije, Kosova i Albanije.

Iz Federacije Bosne i Hercegovine certifikate je dobilo 7 općina/gradova i to **Janjina, Posušje, Zenica, Bihać, Živinice, Gradačac i Žepče.**

U AGENCIJI ZEDA ODRŽAN MEETUP U OKVIRU PROJEKTA AGORA

Početkom decembra 2022. godine godine, Politehnički fakultet i kompanija Ant Colony Sarajevo sa partnerom ZeForge su organizovali Meetup u Impulsnom kreativnom centru Agencije ZEDA.

Učesnici su imali priliku na praktičnom primjeru razvoja njihovog softverskog proizvoda nauče koje su uloge različitih radnih mjesta u IT industriji, šta i kako rade developer, data analyst, devops, QA,...

Ovo je nastavak aktivnosti na promociji Pilot projekta u okviru Agora projekta – Annex B, zgrada TechnoPark-a čija adaptacija i renoviranje su počeli u septembru 2020. godi-



ne, a koji će po okončanju značiti 35 novih prostora za MSP, te kabinet za robotiku i CNC u kojima će se organizovati edukacije.

Partneri Meetup-a su Agenci-

ja ZEDA i ZeForge.

Meetup je podržan od strane Grada Zenica i Agencije ZEDA kroz projekat AGORA, koji se finansira iz Dunavskog Transnacionalnog Programa.

AGENCIJA ZEDA NA REGIONALNOJ EEN KONFERENCIJI (SEE EEN REGIONAL CONFERENCE 2022) U HRVATSKOJ

Kao član EEN mreže i u okviru realizacije aktivnosti projekta BITNET 2022-2025, predstavnici Agencije ZEDA prisustvovali su Regionalnoj EEN konferenciji (SEE EEN Regional Conference 2022) u Hrvatskoj/Tuhelj. Konferencija je održana u prvoj polovini decembra 2022. godine.

Organizator Konferencije je EEN Hrvatske – Hrvatska gospodarska komora HGK.

Tom prilikom predstavnici Agencije ZEDA obnovili su stare te uspostavili nove kontakte sa članovima EEN mreže, a u cilju razmatranja mogućnosti zajedničke realizacije projektnih aktivnosti u narednom periodu.



GRAD ZENICA I AGENCIJA ZEDA USPJEŠNO REALIZOVALI PROJEKT „ČAS PODUZETNIŠTVA – PODUZETNIK SAM I JA“



U periodu od 31. oktobra do 12. decembra 2022. godine, Grad Zenica i Agencija ZEDA su realizovali projekat „ČAS PODUZETNIŠTVA – PODUZETNIK SAM I JA“ koji je imao za cilj da učenike podstakne da poduzetnički razmišljaju, nauče pisati poslovnu ideju i analizirati kvalitet poslovne ideje kao i mogućnosti njene realizacije. To znači da je cilj podstaknuti i pomoći da djeca razviju poduzetnički duh i da po okončanju formalnog obrazovanja kreiraju radno mjesto sebi ali i drugima i da ne čekaju da to za njih uradi neko drugi.

U projektu su učestvovali učenici završnih razreda 5 srednjih škola.

Razvoj i promovisanje preduzetništva predstavlja dugogodišnji strateški cilj politike zemalja članica EU i zemalja u pristupnoj fazi, a posljednjih godina sve više dobija na značaju. Kod nas se sve više govori o potrebi da se poduzetništvo i poduzetnički način razmišljanja implementiraju

u obrazovni sistem od osnovne škole do univerziteta.

Između ostalog, učenici su naučili prezentovati poslovnu ideju, filtrirati informacije značajne za pokretanje nekog biznisa, naučili su kako istražiti tržište, kako da uobličite i prezentuju poslovnu ideju, te su u međuškolskom takmičenju izabrani timovi koji su potom predstavljali svoju školu na međuškolskom takmičenju.

U prvoj polovini decembra je održano međuškolsko takmičenje na kojem je komisija odlučila da su prva tri mjesta osvojile:

1. JU „Medicinska škola Zenica“ – novčana nagrada u iznosu od 1.500 KM za grupu
 2. JU „Mješovita srednja industrijska škola“ - novčanu nagradu u iznosu od 1.000 KM za grupu
 3. JU „Mješovita srednja škola Zenica“ - novčanu nagradu u iznosu od 500 KM za grupu, koje su obezbijedili Grad Zenica i Agencija ZEDA.
- Međutim, osim za sebe, uče-

nici su osvojili i nagrade za škole koje su predstavljali – IT opremu koju je donirao naš sponzor projekta „IMTEC“ d.o.o. Sarajevo. Ovo preduzeće se bavi prodajom i servisiranjem IT uređaja i ovim putem im se u ime Grada Zenice, Agencije ZEDA, škola i učenika zahvaljujemo na saradnji i velikoj podršci.

Učenici „Srednje mješovite škole „Mladost“ i „Prve gimnazije“ osvojili su novčane nagrade u iznosu od po 400 KM za grupu, te su svi učenici dobili Certifikat o učešću na međuškolskom takmičenju ovog Projekta.

U projektu „ČAS PODUZETNIŠTVA – PODUZETNIK SAM I JA“ učestvovalo je 5 zeničkih škola: „Prva gimnazija“, „Mješovita srednja škola“, Mješovita srednja industrijska škola „Srednja medicinska škola“ i „Srednja mješovita škola „Mladost“.

Čestitamo svim učenicima koji su se prijavili za učešće u ovom Projektu i koji su saradivali sa nama, a posebne čestitke pobjednicima.

PROJEKAT UNAPREĐENJA INFRASTRUKTURE I SAJAMSKIH KAPACITETA „TRŽNICE“

Grad Zenica jedan je od šest lokalnih zajednica čija je prijava na Javni poziv za unapređenje i razvoj ruralne/lokalne tržišne infrastrukture, koji je objavljen u okviru projekta EU4AGRI ocijenjena pozitivno. Nakon završetka procedure po javnom pozivu Gradu Zenici je odobren projekat „Unapređenje infrastrukture i sajamskih kapaciteta Gradske tržnice Zenica“.

U sklopu projektnih aktivnosti planirana je nabavka 21 rashladne vitrine, 20 drvenih sajamskih kućica, 115 stolova za prodaju proizvoda.

Ukupna vrijednost projekta



iznosi 316.857,00 KM bez pdv-a, od čega je 232.927,00 KM odobreno u okviru EU4A-

GRI Projekta, dok je Grad Zenica osigurao sredstva u iznosu od 83.930,00 KM.

PROJEKAT UNAPREĐENJA INFRASTRUKTURE I SAJAMSKIH KAPACITETA „TRŽNICE“

Nakon provedene procedure po Javnom pozivu za učešće na obukama i dodjeli sredstava u okviru projekta „iSKORAK - Partnerstvo za nova radna mjesta“ 11 poslovnih planova je zadovoljilo formalno-pravne uslove, a šest poslovnih planova je osvojilo dovoljno bodova za dobijanje finansijske podrške.

Ovaj Javni poziv je objavljen u sklopu projekta „iSKORAK - Partnerstvo za nova radna mjesta“ koji je odobren u okviru projekta „Podrška Evropske unije lokalnim partnerstvima za zapošljavanje - Faza II“ (LEP II) koji finansira Evropska unija (EU), a realizuje Međunarodna organizacija rada (MOR) u Bosni i Hercegovini (BiH).

Ukupno odobrena sredstva za



realizaciju odabranih poslovnih planova iznose 54.310,57 KM.

Podsjećamo, ukupna vrijednost projekta „iSKORAK - Partnerstvo za nova radna mje-

sta“ iznosi 479.214,14 KM, od čega 312.932,80 KM predstavljaju sredstva koje je osigurala Evropska unija, dok iznos od 197.259,92 KM predstavlja sufinansiranje Grada Zenice.

PROJEKT „UNAPREĐENJE POSLOVNE INFRASTRUKTURE U POSLOVNOJ ZONI ZENICA 1“ U ZAVRŠNOJ FAZI



U Zenici je u 2022. godini počela realizacija projekta „Unapređenje poslovne infrastrukture u Poslovnoj zoni Zenica 1“, čiji je cilj unapređenje ambijenta i uslova za rad MSP kroz unapređenje infrastrukture i usluga u Poslovnoj zoni Zenica 1.

Projektom je planirano da se na principima energetske efikasnosti izvrši rekonstrukcija

zgrade aneksa B - objekta Technoparka i osigura 35 novih kancelarijskih, poslovnih prostora, namijenjenih poduzetnicima u oblastima IT, novih i inovativnih tehnologija. Projekat je vrijedan 544.705,20 KM, a sredstva za njegovu realizaciju obezbijeđena su iz vlastitih sredstava Grada Zenica te sredstava koja su Gradu odobrena od strane Federal-

nog ministarstva razvoja, poduzetništva i obrta u iznosu od 150.000,00 KM, a shodno Ugovoru o dodjeli sredstava u sklopu Grant sheme „Izgradnja poduzetničkih zona“. Prva faza realizovana je u okviru projekta iNnovaNet koji je finansiran sredstvima EU, a čiji je glavni partner i vodeći aplikant bila Agencija ZEDA.

AGENCIJA ZEDA I DKR PREZENTOVALI MOGUĆNOSTI PRIMJENE ROBOTSKIH SISTEMA U PREDUZEĆIMA/iNnovaNet



Početak decembra 2022. godine Agencija ZEDA je u saradnji sa DKR-om; Njemačkim centrom za robotiku organizovala prezentaciju robotskih sistema i njihove primjene u preduzećima. Učesnici su imali priliku saznati koje su mogućnosti primjene robotskih sistema u njihovim preduzećima, upoznali su se sa primjerima dobre prakse i uspješno implementiranim rješenjima u preduzećima u BiH i regionu.

Napominjemo da je DKR prvi i jedini akreditovani FANUC integrator u Bosni i Hercegovini i regionu, te pruža usluge prodaje, servisiranja i edukacija po FANUC programu, uz izdavanje važećeg FANUC-DKR certifikata.

Na događaju su predstavnici Univerziteta u Zenici i Agencije ZEDA predstavili savremenu opremu kojom raspolažu, a koja se može koristiti u svrhu edukacije i razvoja vještina zaposlenika.

Ova aktivnost se realizovala u okviru projekta iNnovaNet, te je prisutnim prezentovan ovaj projekat koji je u završnoj fazi, a finansira ga EU.

Ukupna vrijednost projekta je 1.320.786,21 EUR od čega EU fi-



nasira 85%.

Jedan od glavnih rezultata ovog projekta je adaptacija zgrade TechnoPark Agencije ZEDA i proširenje kapaciteta za smještaj i inkubiranje novih preduzeća. U okviru ovog projekta bit će uspostavljen trening centar za robotiku i

CNC edukacije što znači da će Agencija ZEDA u saradnji sa Gradom Zenicom u budućnosti realizovati različite edukacije iz oblasti robotike i rukovanja CNC mašinama. Bio je ovo još jedan događaj za koji su naši privrednici pokazali veliko interesovanje.

AGENCIJA ZEDA U SARADNJI SA PARTNERIMA ODRŽALA ZAVRŠNU KOFERENCIJU PROJEKTA iNnovaNet



Dana 15. decembra 2022. godine, održana je Završna konferenciju projekta iNnovaNet koji je Agencija ZEDA u saradnji sa partnerima uspješno realizovala.

Ukupna vrijednost projekta iznosi 1.320.786,21 EUR od čega je EU finansirala 85%.

Partneri projekta bili su:

- IPNG-Industrijski park Nova Gradiška (HR),
- Inovaciono Preduzetnički Centar Tehnopolis iz Nikšića (CG) i
- Grad Gradiška (BiH)

Projekat iNnovaNet se temeljio na principima prenosa znanja i iskustava partnera u inovativnim tehnologijama i unapređenju infrastrukture kako bi odgovorila rastućim potrebama privrede i industrije.

Ciljne grupe bili su poduzetnici, studenti, učenici i nezaposleni iz Bosne i Hercegovine, Hrvatske i Crne Gore koji imaju potrebu steći kvalitetna i korisna znanja iz oblasti robotike, mehatronike, programiranja i upravljanja CNC mašinama, te imaju potrebu za poslovnim prostorom i poslovnom podrškom.

Agencija ZEDA i partneri u



projektu prezentovali su rezultate projekta iNnovaNET, te najavili aktivnosti koje će se realizovati u godini koja je ispred nas.

Tokom Konferencije, održana je i Panel diskusija na temu: "Značaj prekograničnog partnerstva za razvojne procese obrazovnih ustanova" u kojoj su učestvovali predstavnici srednjih škola koje su učestvovala u projektu: „Srednja stručna škola Nikšić“, „Gimnazija Slobodan Škerović Podgorica“, „Tehnička škola Gradiška“ i „Srednja mješovita škola MLADOST Zenica“ i „Mješovita

srednja industrijska škola Zenica”

Bio je ovo još jedan uspješno realizovan projekat prekogranične saradnje koji je dao odlične rezultate, te je Završna konferencija okupila sve partnere, predstavnike ciljnih grupa i implementatora na jednom mjestu kako bi predstavili rezultate projekta i ostvarene ciljeve.

Ova Konferencija je bila i odlična prilika da se razgovara o novim partnerstvima i planovima za realizaciju novih projekata i o onome što slijedi u godini koja je ispred nas.

DANI ROBOTIKE ZA OSNOVCE



U junu 2022. godine Agencija ZEDA je bila domaćin događaja koji je organizovala u saradnji sa Univerzitetom u Zenici - "Dan robotike za osnovce" koji je realizovan u okviru projekta "AGORA".

Ovaj događaj okupio je više od stotinu učenika osnovnih škola koji su imali priliku upoznati se sa osnovama robotike, u praksi vidjeti kako roboti funkcionišu, kako se programiraju i na koji na-

čin se nauče da rade pojedine zanimljive radnje. Upravo su djeca ta koja najbrže uče rukovati novim tehnologijama i kroz igru i zabavu usvajaju nova znanja.

U ZENICI ODRŽANO DRŽAVNO PRVENSTVO IZ ROBOTIKE



Univerzitet u Zenici u saradnji sa EDUTUS Univerzitetom iz Mađarske organizovao je takmičenje Svjetske robotske olimpijade (World Robot Olympiad – WRO) za područje Bosne i Hercegovine.

Državno prvenstvo se održalo u junu 2022. u Areni "Husejin Smajlović" u Zenici uz pokroviteljstvo Grada Zenice i Agencije ZEDA kroz projekat Agora, koji se finansira iz Dunavskog Transnacionalnog Programa, te Ministarstva za obrazovanje, nauku, kulturu i sport Zeničko-dobojskog kantona. Manifestaciju su podržali i BH Telecom, Devmatec, Ruff cycles SEE d.o.o. i GS-Tvornica mašina Travnik.

Na takmičenju je učestvovalo ukupno 18 ekipa podijeljenih u tri dobne grupe. Dvije ekipe iz Zenice su osvojile prva mjesta u kategorijama elementary (8-12 godina) i senior (15-20 godina), dok je ekipa iz Tuzle osvojila prvo mjesto u kategoriji junior (12-15 godina). Samim tim ove ekipe su se plasirale na svjetsko takmičenje, koje je održano od 17-19. novembra 2022. godine u Dortmundu (Njemačka).

OTVARANJE OZNAČENIH I UREĐENIH PLANINARSKIH STAZA NA PLANINI SMETOVI

Udruženje građana „Azimuth 135“ iz Zenice, tokom 2022. godine realizovalo je projekat „Označavanje i uređenje planinarskih staza na planini Smetovi“ u okviru Programa subencioniranja projekata turističke infrastrukture Ministarstva za privredu Zeničko-dobojskog kantona i uz partnerstvo sa Gradom Zenicom.

Kroz aktivnosti projekta, po pravilima Planinarskog save-



za Federacije Bosne i Hercegovine, označeno je i uređeno 80 kilometara planinarskih staza. Polazne tačke su na autobuskim stanicama u selima koja gravitiraju na planini Smetovi, a krajnje tačke su na Spomeniku i na Eko-kući, odnosno na vršnom dijelu planine.

Planinarske staze su označene Knafelcovim planinarskim oznakama crvene i bijele boje, zajedno sa komplementarnom vertikalnom signalizacijom u vidu smjerokaza na početnim, krajnjim tačkama, te raskršćima dviju i više staza. Postavljena su dva panoramska stola sa projekcijom planina u vidokrugu sa dvije tačke, na Spomeniku i Eko-kući na Smetovima.

GRADONAČELNIK KASUMOVIĆ NA CEREMONIJI OTVARANJA ADRENALINSKOG PARKA I ZIP LINEA: „INVESTIRAMO I SADRŽAJNO OBOGAĆUJEMO SMETOVE“

Gradonačelnik Zenice Fuad Kasumović prisustvovao je svečanosti otvaranja adrenalinskog parka „Poletarac“ na zeničkom izletištu Smetovi, koji se zasniva na psiho-fizičkom razvoju djece u direktnom kontaktu sa prirodom, te zip line-a „Pčelica“.

Inače, Grad Zenica je podržao realizaciju projekta dječijeg adrenalinskog parka sredstvima u iznosu od 5.000 KM te obezbjeđivanjem zemljišta i potrebnih saglasnosti.



ZAVRŠENA IZGRADNJA SAOBRAĆAJNICE 8, U POSLOVNOJ ZONI ZENICA 1

U Poslovnoj zoni Zenica 1 završeni su radovi na izgradnji saobraćajnice 8 sa pripadajućom infrastrukturom.

Ukupna vrijednost projekta iznosi 363.414,75 KM, a realizovan je sredstvima Grada Zenica u iznosu od 213.414,75 KM i Ministarstva za privredu Zeničko-dobojskog kantona u iznosu od 150.000,00 KM.

Radovi su obuhvatili izgradnju nove saobraćajnice 8 sa pješničkim trotoarom, za teška teretna vozila i dvosmjerni saobraćaj u dužini od 135 metara.



RAZVOJNA BANKA PREDSTAVILA NOVE KREDITNE LINIJE ZENIČKIM PRIVREDNICIMA

U prvoj sedmici oktobra 2022. godine, Udruženje poslodavaca Zenica je u saradnji sa Razvojnou bankom F BiH organizovalo prezentaciju novih kreditnih linija.

Prezentacija je održana u

Agenciji ZEDA, a brojni zenički privrednici imali su priliku saznati koje nove pogodnosti ove banke mogu iskoristiti, na koji period i pod kojim kamatnim stopama.

Na ovaj način su Razvojna

Banka F BiH, Udruženje poslodavaca Zenica i Agencija ZEDA željeli pokazati zeničkim privrednicima koje mogućnosti mogu iskoristiti za svoja nova ulaganja, proširenje proizvodnih linija i razvoj biznisa.

UPRILIČEN PRIJEM ZA VOLONTERE KOJI ĆE ZAHVALJUJUĆI GRADSKOJ UPRAVI STEĆI SVOJE PRVO RADNO ISKUSTVO

Gradonačelnik Zenice Fuad Kasumović upriličio je prijem za izabrane kandidate po Javnom oglasu za prijem lica na stručno osposobljavanje bez zasnivanja radnog odnosa.

Radi se o Programu stručnog osposobljavanja bez zasnivanja radnog odnosa lica sa završenim VII stepenom stručne sprema, kao i lica sa završenom srednjom stručnom spremom. Grad Zenica je i ove godine osigurao sredstva za stručno osposobljavanje 35 lica sa završenim VII stepenom stručne



spreme i 15 lica sa završenom srednjom stručnom spremom.

Volonteri će stručno osposobljavanje godinu dana za VSS

i šest mjeseci za SSS obavljati u Gradskoj upravi, javnim preduzećima i ustanovama čiji je osnivač Grad Zenica te Agenciji ZEDA.

GRAD ZENICA PODRŽAO 10. SAJAM ORGANSKE, POLJOPRIVREDNE PROIZVODNJE I ETNO-NARODNOG STVARALASTVA „OPEN'S 2022“

Gradonačelnik Zenice Fuad Kasumović prisustvovao je otvorenju 10. sajma organske, poljoprivredne proizvodnje i etno-narodnog stvaralaštva „OPEN'S 2022“.

Na ovogodišnjem sajmu svoje proizvode izložilo je više od 80 izlagača.

Grad Zenica podržao je organizaciju ovog Sajma.



UPIS POLAZNIKA PROGRAMA PREKVALIFIKACIJE ZA ZANIMANJE OPERATER NA CNC MAŠINAMA, ARMIRAČ - BETONIRAC I TESAR - KROVOPOKRIVAČ U ŠKOLSKOJ 2022/2023. GODINI

Projekat „iSKOrak“ - Partnerstvo za nova radna mjesta, provodi se u okviru projekta „Podrška Evropske unije lokalnim partnerstvima za zapošljavanje u Bosni i Hercegovini Faza II“ (LEP II), implementira Međunarodna

organizacija rada (MOR), a finansira EU.

U okviru projekta JU „Mješovita srednja industrijska škola Zenica“ raspisala je Konkurs za upis polaznika programa prekvalifikacije za zanimanje operater na CNC mašinama

u školskoj 2022/2023. godini, dok JU „Srednja mješovita škola „Mladost“ Zenica raspisala konkurs za upis polaznika programa prekvalifikacije za zanimanje armirač - betonirac i tesar - krovopokrivač u školskoj 2022/2023. godini.

GRAD ZENICA NASTAVLJA S PODRŠKOM MLADIMA: POTPIŠANI UGOVORI ZA OSNIVANJE NOVIH OBRTA I PRIVREDNIH DRUŠTAVA

U Gradskoj upravi Zenice su u 2022. godini potpisani ugovori između Grada Zenice i odabranih kandidata po Javnom pozivu za dodjelu podsticajnih sredstava namijenjenih za oblast privrede u 2022. godini na području grada Zenice.

Ugovori su potpisani sa aplikantima koji su ostvarili pravo na dodjelu bespovratnih podsticajnih sredstava u sklopu Mjere 1. Programa mjera za utrošak podsticajnih sredstava u oblasti



privrede za 2022. godinu - Podsticaj za „Moj prvi biznis u Gradu Zenica odnosno START UP“.

Grad Zenica osigurao je

138.625,39 KM pomoći za 28 aplikanta koliko ih je ispunilo formalno-pravne uslove i uslove po objavljenom Javnom pozivu.

Bio je ovo pregled samo dijela aktivnosti koje su realizovane u proteklom periodu. U godini koja je ispred nas, očekuju nas brojne aktivnosti koje smo već započeli, planirali i dogovorili, a svima želimo prvenstveno zdravlje, radost u srcu, mir u duši, te kreativnost i produktivnost na poslovnom planu. Uspješnu i sretnu Novu 2023. godinu žele Vam Grad Zenica i Agencija ZEDA.



IZDAVAČ: Grad Zenica; **PRIPREMA PUBLIKACIJE:** Služba za privredu i upravljanje razvojem i Zenička razvojna agencija ZEDA; **AUTORI TEKSTOVA:** Armin Mujkić, Maida Mujanović, Ajna Dedić, Maša Škrbić; **FOTOGRAFIJE:** Emir Čaplja, Mirza Subašić; **DTP:** Emir Čaplja; **ŠTAMPA:** MeligrafPrint Zenica